

已平矣賢者避世其次避地乃背其神往迹跡川中

### 虞長儒

達士虞長儒先生涪熙錢塘人也萬曆進士仕吏部主事解官歸得葛嶺栖霞之勝衝煙躡屐終日陶然黃憲庸傳之曰以儒爲行以立爲功以禪爲歸以山水爲寄托以詞翰爲遊戲誠足囊括平生矣

### 安我素

達士安我素先生希範無錫人也仕吏部主事以昌言罷官歸杜門不出出則乘一舫圖陶元亮張季鷹蘇端明米南宮諸名賢於倚窗爲煙水伴恣其所之樂而忘返

### 道藏輯要

三才全集 隱鑑

聖

續畢集七

### 姚公綬

達士姚公綬先生綬嘉善人也由御史出知永甯府解官歸作滄江虹月之舟往來吳越間望之者宛若神仙中人家設亭館名曰丹邱人稱爲丹邱先生

### 周叔大

處士周叔大先生奕演之金齒人也幼而奇嶷長益凝重其學問一以知止爲歸力耕養母不撓勢利嘗遇一丹士欲以術授之奕曰多金何爲內丹何如寡慾外丹何如節用子休矣我儒門道士其取精用宏也久矣

### 陸嗣端

達士陸嗣端先生澄原平湖人也天啟乙丑進士歷官員外郎以不附東林被察閑住其封事略云臣甘寡援孤立爲硜硜之小人決不依草附木爲疑似之君子由是見嫉東林排之甚力一官罷去長嘯而歸蓋古狂狷之流也每見溪上人家小橋流水恒徘徊久之而不能去

聞隱鱗

逸士聞隱鱗先生龍鄞縣人也寄懷高遠托跡衡茅每當風來竹外雲冷松根輒遂其蕭野之趣或稱其詩如溪上人家曲几疎窗長與水雲弄色吾謂其性情亦然

陳仲醅

道藏輯要

三丰全集

隱鑑

望

續畢集七

逸士陳仲醅先生繼儒號眉公華亭人也年甫壯卽棄名習隱結廬於小崑山之陽買舟載書稱無名釣徒每當草蓑月冷鐵笛霜清覺張志和陸天隨去人未達

殷方叔

逸土方叔殷先生仲春秀水人也躬耕永樂之南村怡然自樂陳仲醇所謂卻羨白頭殷處士鶉鴉聲裏獨耕田者也葭墻茅屋不蔽風雨慕王績爲人亦自號東臯子農事之閑以醫爲業得錢入市買斷簡殘書讀之

朱白民

逸士朱白民先生鷺吳人也負奇氣嘗獨游黃山遠尋嵩華崇